

capitis distincte brevior, quarto tertio longior; hemielytris formae brachypterae totis coriaceis; femoribus posticis longis, valde incrassatis, tarsis posticis articulo primo brevi, secundo tertio aequo longo.

*Descr.:* Gen. *Halticus* Hahn affinis, differt verticis margine subrecto, oculis multo magis exsertis, a supero visis sat fortiter transversis, retrorsum vergentibus, loris vix compressis, antennis brevioribus, etc. A gen. *Euryopocori* Reut., cui etiam sat similis, structura antennarum longe divergens. Corpus breve, late obovatum, convexum (f. brachypt.). Caput clypeo a fronte parum prominente, gula nulla. Oculi a latere visi oblongi, breves, laeves. Rostrum robustum, articulo primo dilatato. Antennae articulo primo reliquis crassiore, brevi, ante apicem setis 3—4 instructis, duobus ultimis simul sumtis secundo vix longioribus. Pronotum formae brachypterae transversum, lateribus ante apicem pone oculos transversim impressis, marginibus lateralibus rectis, margine basali medio sinuato, disco horizontali, callis sat magnis, bene discretis, distantibus, interne foveola instructis. Scutellum transversum. Hemielytra convexa, f. brach. tota coriacea, suturis nullis, membrana destituta. Metastethium orificiis angustis. Coxae posticae ab epipleuris hemielytrorum longe distantes. Femora postica margine anteriore valde arcuato, setigero. Tibiae sat fortiter spinulosae. Tarsi breviusculi.

### ***Halticidea punctulata* Reut.**

*Diagn.:* Nigra, subaenescenti-micans, glabra; maculis capitis infra basin antennarum, orificiis metastethii marginibusque segmentorum quarti et quinti abdominalium albidis; antennis articulo primo ipso apice secundoque basi excepta sordide testaceis; femoribus apice anguste tibiisque flavo-testaceis, his nigro-spinulosis; spinulis tibiaram posticarum e punctis minutis fuscis nascentibus. Long. ♀ 3 mm.

*Hab.* in Rossia orientali (Ural!), D. Dr Staudinger, commun. D. Dr Fokker.